



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-40411-7/19
Sarajevo, 14.11.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 – Ispravka), Vlada Kantona Sarajevo na **47. sjednici održanoj 14.11.2019. godine**, donijela je sljedeći

ZAKLJUČAK

1. Prima se na znanje Informacija o stanju deponije Smiljevići, koju je pripremila Ministarstvo prostornog uređenja, građenja i zaštite okoliša Kantona Sarajevo.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

PREMIJER
Edin Forto

Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Skupština Kantona Sarajevo
4. Premijer Kantona Sarajevo
5. Ministarstvo prostornog uređenja, građenja i zaštite okoliša Kantona Sarajevo
6. Ministarstvo komunalne privrede i infrastrukture Kantona Sarajevo
7. KJKP „Rad“ Sarajevo (putem Ministarstva prostornog uređenja, građenja i zaštite okoliša)
8. Zavod za izgradnju Kantona Sarajevo
9. Ministarstvo finansija Kantona Sarajevo
10. Evidencija
11. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1





Bosna i Hercegovina
Federacija Bosne i Hercegovine
KANTON SARAJEVO
MINISTARSTVO PROSTORNOG UREĐENJA, GRAĐENJA I ZAŠTITE OKOLIŠA

INFORMACIJA O STANJU DEPONIJE SMILJEVIĆI

Sarajevo, 11.11.2019. godine

Uvod

Zaključkom Skupštine Kantona Sarajevo broj 01-05-33063-1/19 od 25.09.2019.godine prihvaćena je inicijativa zastupnika Zvonka Marića da se u dnevni red svake radne sjednice uvrsti stalna tačka dnevnog reda o sanaciji deponije Smiljevići – do normalizacije stanja.

Izveštaj broj 01-05-36610/19 o stanju i aktivnostima u okviru RCUO Smiljevići sa prijedlogom mjera usvojen je na sjednici Skupštine Kantona Sarajevo 08.10.2019.godine.

U tom smislu, pripremljena je Informacija o stanju deponije Smiljevići, koja pored aktuelnog pregleda realizacije Programa aktivnosti u okviru RCUO Smiljevići u 2019.godini, sadrži i podatke o implementiranim mjerama po zaključcima Skupštine Kantona Sarajevo, za period 08.10.2019. do 11.11.2019.godine.

PROGRAM AKTIVNOSTI U OKVIRU RCUO SMILJEVIĆI U 2019.GODINI

AKTIVNOSTI KOJE SE REALIZUJU PUTEM KJKP “RAD”

Dana 07.11.2019.godine potpisan je Anex I Sporazuma o saradnji na izgradnji infrastrukture za zbrinjavanje životinjskog otpada broj 05-14-40003/18 od 20.12.2018.godine. Sporazumom je predviđena izgradnja dvije betonske jame grobnice na lokaciji RCUO Smiljevići. Ovim Anexom I Sporazuma produžen je rok realizacije Sporazuma za dodatnih 12 mjeseci, a radi ishodovanja potrebnih dozvola za izgradnju.

Dana 04.10.2019.godine potpisan je Sporazum o saradnji na realizaciji aktivnosti u okviru RCUO Smiljevići u 2019.godini broj 05-14-33037/19, između KJKP “Rad” i Ministarstva prostornog uređenja, građenja i zaštite okoliša, na iznos od 19.000,00 KM. Ovim Sporazumom je, između ostalog, obuhvaćena izrada projektne dokumentacije izvedenog stanja hidrotehničkih instalacija i objekata deponije Smiljevići, a u skladu sa Dinamičkim planom KJKP “Rad”-a za period 2019-2023.godina, a koji se odnosi na aktivnosti vezane za prikupljanje i tretman otpadnih voda na RCUO Smiljevići. Kompletiranje tehničke dokumentacije je sastavni dio zahtjeva za izdavanje vodne dozvole Agencije za vodno područje rijeke Save. U sklopu aktivnosti za dobivanje vodne dozvole, intenziviran je rad na Dinamičkom planu i u organizaciji KJKP “Rad” održano više sastanaka zainteresovanih institucija. Tema sastanka održanog 06.11.2019. godine bilo je revidiranje postojećeg Dinamičkog plana KJKP Rad-a za prikupljanje i tretman otpadnih voda na RCUO „Smiljevići“ za period 2019. - 2023. godine u svrhu ispunjavanja zahtjeva Agencije za vodno područje rijeke Save za izdavanje vodne dozvole. U skladu sa potpisanim Sporazumom, KJKP “Rad” je pokrenuo proceduru javnih nabavki za hidro fazu i za nabavku hemikalija. 11.11.2019. su otvorene ponude i očekuje se vrlo brzo izbor izvođača radova.

AKTIVNOSTI IZ PROGRAMA KOJE REALIZUJE ZAVOD ZA IZGRADNJU KS

U skladu sa Ugovorom o održavanju hidrometeorološke i hidrološke stanice na RCUO Smiljevići broj 05-14-40227/19 od 08.01.2019.godine, firma “Alem sistem” d.o.o. Sarajevo vrši održavanje automatske hidrološke stanice Smiljevići i automatske meteorološke stanice Buća potok u 2019.godini. Dana 11.11.2019.godine dostavljen je Izveštaj za period 01.09.2019. do 31.10.2019.godine.

Dana 15.10.2019.godine izvršena je prezentacija projekta “Praćenje i tehnička podrška realizacije rada na analizama sastava i količina procjednih voda u okviru RCUO Smiljevići za period 01.07.2018.-30.06.2019.godine”. Finalni izvještaj “Praćenje i tehnička podrška realizacije rada na analizama sastava i količina procjednih voda u okviru RCUO Smiljevići za period 01.07.2018.-30.06.2019.godine” dostavljen je relevantnim institucijama 11.11.2019.godine (KJKP “Rad”, Zavod za planiranje, Općina Novi Grad, Ministarstvo komunalne privrede i infrastrukture).

Zaključen je Ugovor sa “Design & QC” doo Sarajevo za “Izvođenje geomehaničkog ispitivanja tijela deponije RCUO Smiljevići na terenu i laboratoriji uz izradu elaborata” broj 05-14-38097/19 od 24.10.2019 na iznos 26.910,00 KM.

Pored ugovorenih obaveza, u toku je realizacija javnih nabavki putem Zavoda za izgradnju Kantona Sarajevo za: Izradu projektne dokumentacije za prikupljanje i prihvata procjednih voda sa centralnog dijela odlagališta; Izradu Glavnog projekta za prikupljanje površinskih voda i izvora (ispod trafo stanice) i dispozicija do potoka na lokalitetu RCUO Smiljevići; Izradu Glavnog projekta sanacije klizišta uz internu saobraćajnicu kod platoa za inertni otpad.

Sve pozicije su predložene kroz Plan aktivnosti za 2019.godinu i usvojene od Vlade KS u martu 2019, ali se realizacija odvija veoma sporo, tako da se niz pozicija tek ugovara za izradu tehničke dokumentacije ili ispitivanja na terenu, što usporava implementaciju prema predviđenoj dinamici.

AKTIVNOSTI IZ PROGRAMA KOJE SE REALIZUJU PUTEM UNDP-A

04.10.2019.godine su završene i predate Dopune i korekcije dijela Glavnog projekta sanitarne deponije Smiljevići Sarajevo na površini 15.000 m². Projekat je urađen u skladu sa Sporazumom o finansiranju između Razvojnog programa Ujedinjenih Nacija i Ministarstva prostornog uređenja, građenja i zaštite okoliša, na koji je Vlada Kantona Sarajevo dala saglasnost Odlukom broj 02-05-31568-1/19 od 26.08.2019.godine.

U toku je ponovljena procedura javne nabavke u skladu sa Sporazumom o finansiranju između UNDP i Ministarstva broj 05-14-30036/29 od 26.08.2019.godine i Anexa I Sporazuma od 06.09.2019.godine. Ukupan iznos sredstava po ovom Sporazumu je 1.108.994,40 KM, od čega Ministarstvo finansira sa 1.033.994,40 KM, a UNDP sa 75.000,00 KM. Iznos od 1.033.994,40 KM prebačen je na račun UNDP-a 16.09.2019.godine. Ministar prostornog uređenja, građenja i zaštite okoliša donio je Rješenje o imenovanju Komisije za implementaciju projekta broj 05-14-30036/19 od 25.10.2019.godine.

HITNA SJEDNICA SKUPŠTINE KANTONA SARAJEVO 08.10.2019.

Zaključcima donesenim na sjednici Skupštine Kantona Sarajevo održanoj 08.10.2019.godine usvojen je Izvještaj o stanju i aktivnostima u okviru RCUO Smiljevići, sa prijedlogom mjera.

Ministarstvo prostornog uređenja, građenja i zaštite okoliša je, između ostalog, zaduženo da u roku od 30 dana predloži Vladi Kantona Sarajevo usvajanje Studije opravdanosti izgradnje kogenerativnog postrojenja i postrojenja za mehaničko-biološki tretman otpada na području Kantona Sarajevo.

Okončana verzija Studije očekuje se do kraja 2019.godine. Ministarstvo prostornog uređenja, građenja i zaštite okoliša je u Programu rada za 2020.godinu planiralo aktivnosti na implementaciji rezultata Studije.

Programom rada Ministarstva je, takođe, planirana izrada Studije opravdanosti uspostave RCUO kao nove samostalne institucije unutar sistema i time institucionalnog odvajanja prikupljanja/transporta otpada od deponiranja.

U smislu obaveze obezbjeđenja neophodnih vodnih akata, Ministarstvo je 11.10.2019.godine dostavilo KJKP "Rad"-u dokumentaciju sa kojom raspolaže, a između ostalog: Prevod Finalnog izvještaja o radu pilot postrojenja na tretmanu procjednih voda na Sarajevskoj deponiji, od 24.10.2018.godine, austrijske firme EnviCare Engineering GmbH Grac; Preliminarnu studiju izvodljivosti "Smanjenje nastanka procjednih voda na Regionalnom centru za upravljanje otpadom Smiljevići, analiza životnog vijeka i procjena postepenog zatvaranja u svrhu minimizacije procjednih voda", Svjetska banka i SIDA; Studiju izvodljivosti i idejno-tehničko rješenje postrojenja za spaljivanje animalnog otpada u Kantonu Sarajevo, septembar 2019.godine; GLAVNI PROJEKAT - Dopune i korekcije dijela Glavnog projekta sanitarne deponije Smiljevići Sarajevo na površini od 15.000 m², pripremljen u skladu sa Sporazumom o finansiranju između Razvojnog programa Ujedinjenih Nacija i Ministarstva prostornog uređenja, građenja i zaštite okoliša, na koji je Vlada Kantona Sarajevo dala saglasnost Odlukom broj 02-05-31568-1/19 od 26.08.2019.godine.

Ministarstvo je tokom oktobra 2019.godine dostavilo Federalnom ministarstvu mišljenja, prijedloge i sugestije na prijedlog Pravilnika o upravljanju građevinskim otpadom i uredbe, koji se tiču posebnih kategorija otpada.

Ministarstvo je aktivno učestvovalo u obezbjeđenju dokumentacije za pribavljanje vodnih akata za RCUO Smiljevići.

U toku je, putem Zavoda za javno zdravstvo Kantona Sarajevo, postupak nabavke opreme za mjerenje uticaja deponijskih gasova na kvalitet zraka. Ministarstvo prostornog uređenja, građenja i zaštite okoliša je osiguralo sredstva za ovu nabavku.